




EKKITINGO DEMOOBE LAABI HAWJAAGO LEYDI
NO NI BOOYIRTA E JABBAAGO HASAROOJI BAYLE WAKKATIJI.

FOTOOJI E DEWTERE ARDIIDO GOLLEEJI.



Winnudo dewtere:
TMG Research gGmbH

Wattube Juude :
Porosol-GIZ Benin

EKKITINGO DEMOOBE LAABI HAWJAAGO LEYDI NO NI BOOYIRTA E JABBAAGO HASAROOJI BAYLE WAKKATIJI. FOTOOJI E DEWTERE ARDIIDO GOLLEEJI.

KO HAANI PAAMEN DOW PROSOL

Porose « faddaago e wittinango leydi ko haanani ni gam habidingo rafo », laatiin jokkulal ministe demgal, mardi, e cuubaago liyyi, yiwi diga baddal Bene e Alemaanyi gam tawee to rafo wono der duuniiyaaru. Ko ngen dartata woni gollirgo dabareeji kaanudi, booyooji dow faddaago e wittinango leydi baatuni ko haanani ni.

Nyaamoobe barke Porosol ngen woni demoobe worbe e rewbe potorbe tawaabe der kominiiji depatema Su (Abome, Bohikon, Jija, Sobodome, Abannysisu, Sanyanado, Kofe, Sapota e Winhi), kominiiji didi der depatema Koliini (Bante e Safalu), kominiiji tati der depatema Bargu (Sinaare, Bembereke e Kalale) e kominiiji nanyi der depatema Aliboori (Kandi, Sebana, Gogunu e Banipaara).

Der nyoyyango Porosol bi'eteenjen Porosol baawo, dow fiinugo dabareeji hawjaago leydi, Porosol bi'eteenjen « Porosol fiinugo ngen demoobe hawjoto » titaama, den TMG dartiiru golliri ngen der ci'e Kabanu e Sinawonguru. Dadol Porosol ngen tasini nun dow dabareeji hokkontirgo yoyre hakkune demoobe, gam hebugo yoye diga e gaduuji jawtudi, e ande kebaade dow laawol jamu der Bene.

Diga e ballaka Alemaanyi, gollobe der TMG dartiiru e dotta Porosol diga duubol 2016.

BINNI GAM ARDANIIDO GOLLEEJI

Dewtere ne winna nun gam hoyingo faamingo e ekkitingo demoobe laabi hawjaago leydi no ni booyirta e jabugo bayle wakkatiiji. Ne senna nun gebe joyi den e haani ardiido golleeji senna ekkitinooje mun ukke duudde gam taa o hocca wakkati demoobe mawki. Ko'e haalaaji mayre

winna nun hande yande gam ekkitintoobe ben miila, den tontoo. Non non nun dum laati bo e foto fu gonunen baawo binni yamde godde gam hoyingo faamu habaruuji tawaafi der binni ni.

NO DEREWOL YESOORII

Theme 1 : Nokkuure hennyii	Pages 1-4
Theme 2 : Yonkii Leydi	Pages 5-9
Theme 3 : Fintinol leydi	Pages 10-17
Theme 4 : Jabbaago diyam	Pages 18-23
Theme 5 : Hoccu Annia	Pages 24

FU'DDOODE HAALA

Onon banniraabe, sakikiraabe, baabiraabe e inniraabe ...

No duubi men foti duudugo fu e baawde de gooduden golliren fu, toora mawka ka duubbe men woodi hanne woni waddere leydi. No dum yi'orto woni, leydi kade hokkataa nyamdu hande arande, tagaado aawa boodum, rugga sedda, den tawaa rafo e waraa.

To goddum wadaaka, tooraaji di gooduden hanne, fonnataako e ko tawoyta sukaabe meeden jaano. To een jidi ko'e men, een jidi bo sukaabe men, to en jidaa be dona bikkon boofi men, haani bayliten gadu men, tokkitoden laabi ballooji haawjaago leydi ni booyira.

Laabi duuddi feere feere woni. Amma moy fu subata gollira di, moy fu daara wadugo dum hande golle mum nun.

Der ekkitinooje men de yeeso do, mi hollan on laabi feere feere gonudi. Amma an, dongal maa nun golliraa di gam jaano sukaabe men wooda.

Fotooji di jogiimi do mi gollira, TMG dartiiru, e PoroSOL e ballaka gonnanti Alemanyi wurtini di.

Di gada nun gam lilaabe fintinoygo leydi, heba di balla be ekkititingo remoobe be kebay ekkitineego no hawjortoo leydi ni nafira dum faa booya.



Nokkuure hennyii

Yonkii Leydi

Fintinol leydi

Jabbaago diyam

Hoccu Annia

**HOORE HAALA : NOY GADUUJI MEN E KO CUBUDEN WADUGO,
MEEMIRTA TO TAWADEN E KO GOODUDEN GAM GOONKI MEN?**



*Wallaka waajaago foto 1 :
Haaranne wuro walaa der barol ledde*

Yamde 1 ume ji'oton dow foto naa do ?

Tontol 1 : Emen ji'a :

1. Rewbe dido e ruga kokkoliiri der deme.
2. Cuudi huuriraadi paano.
3. Debbo e watta kokkoliiri der beemal. Kokkoliiri wonni e tawaa e leydi den oo watta ni der beemal hebbuɗal faa dow.
4. Mareefuuji wuro nyamnaadi no haaniri, dii doggito nokku fu.
5. Ledde e filfitini deme e suudu.

Yamde 2: Ume foto naa do ekkitinta on ?

Tontol 2 : Neddo waawan foofa no haaniri der nokkuure mum. O waawan hebugo ko o nyaamata den o biisay nokkuuje e ledde kokkande leydi taaki, faddotoode keniiji cattudfi e guli mawdi, den hokka leydi makko demeteeni pewdum.



Foto 1



*Wallaka waajaago foto 2 :
Tooraaji gaduuji men e laabi no
demirten hanne waddata*

Yamde 1 : ume ji'oton dow foto naa do ?

Tontol 1 : Emen ji'a :

1. Duroowo e na'i mum duudfi der nokkuure to fudfo e ledde walaa.
2. Ledde jarnaade.
3. Neddo e hirsaa leggal, ley don, ledde hirsaa e joowi.
4. Dowru pawunu e nyaama deme kokkolihon jurminiikon.
5. Laana e ronno saakiho yulube duukko, ley don saakiho yulube e fawaa.
6. Yeeraajo e dari ley beemal kokkoliiri njal hebbaa.
7. Cuudi huuriraadi paano den gooton e hunccaa.

Yamde 2: To en daari fotooji 1 e 2, ume barol ledde woodi dow nafaali mem e dow pilki ?

Habaru haanuol jogee :

Habaru haanuol jogee : barol ledde no haaniraa e buudol ladde demeteene e bulu geene e buyta dimol nafaali der demeeji, e battina rafo (daaru fotooji 1 e 2) e batina kade kaliiriiji feere feere (keni cattufi huncandi cuudi, guli bondi ...).



Foto 2



*Wallaka waajaago foto 3 :
Ko gaduuji men e cubol men hanne
wadata dow ko dalanten sukaabe
men e dow no be laatoyto jaano.*

Yamde 1 ume ji'oton dow foto naa do ?

Tontol : Emen ji'a :

1. Yeeraajo bambudo suka, den oo ronni dongal ledde jonjiroyteede.
2. Balle laabude (fudo walaa, ledde walaa).
3. Ledde hirsaafe.
4. Ledde tati.
5. Leydi peccaani nii nandi baatuni.

Yamde 2: Moy mon jidi wono der nokkuure nandune nokkuure nee do ?

Yamde 3 : Moy mon yidi suka mum e wonii der nokkuure nandune nee do ?

Yamde 4 : Noy wonki cukel nel debbo on wambi laatoyto ?

Habaruuji kaanudi jogee :

1. Gonki neddo welataa dum wakkati fu der nokkuure nandune hande nee do (Edum yi'ee diga e beeme didi de).
2. Hanne to een biisa nokkuure to gonuden gam keben ceede, een foodana ko'e men kaliiriiji dullere nafa e guli cattudi e dullere diyam.
3. Ko buri hallugo, een foodana sukaabe men gonki juruminiiki, ki walaa jaano.



Foto 3

HABARUUJI 1, 2 E 3 KAAU'DI JOGEE :

1. Gaduuji e cubol men hanne ... hollata ko jidufden dalango sukaabe men (Gaduuji e cubol gonki tasiniiki dow peccol ledde no haanira, bulu nokkuuje demeteede, demal jayri mawni diga gollirgo leddeele fuɗo, duruɗol baroohol ladde, ...).
2. Gonki neddo welataa dum wakkati fu der nokkuure nandune hande nee do (Edum yi'ee diga e beeme dīdi de).
3. Hanne to een biisa nokkuure to gonuden gam keben ceede, een foodana ko'e men kaliiriiji dullere nafaa e guli cattudi e dullere diyam.
4. Ko buri hallugo, een foodana sukaabe men gonki juruminiiki, ki walaa jaano.

Yamde gaddande miilo e meemugo hoore haala 2 :

Ko kawjoden leydi men no woodiri, e haani paamen ko demal men wadata dow leydi, paamen bo no ni wontiri e no haani jogoroden ni.

Oon anni no leydi wontiri e ko acci nii foofa ?

**HOORE HAALA 2 :
FAAMUGO NO LEYDI MEN FOWTIRTA GAM ANNEN NO CUBIRTEŊ GA'DUUJI MEN**

Foto 4 :

*Annugo bedi leydi, ko acci
leydi e fowta e no nyamduuji
men tiggirta dadi mum.*

Foto 5 :

*Demgal baranjal leydi
e gildi ballandi leydi
foofugo.*

*Foto 6 : Demgal baranjal leydi :
leydi baatuni, ni walaa taaki
nafoohi ledde e demeeji, ni yoone
ilinta den hennu e yawtina ni.*



*Wallaka waajaago foto 4 :
Annugo bedi leydi, ko acci leydi
e fowta e no nyamduuji men
tiggirta dadi mum*

Yamde 1 : ume ji'oton dow foto naa do ?

Tontol 1 : Emen ji'a dow foto naa do? :

1. Leggal manjal, baafe njal e saami e leydi. Leggal njal e woodi dadi juuddi, cankitiidi, den dii muti der bedi leydi feere feere (bedol leydi baleeri, bedol leydi bodeeri, bedol leydi nareeriiri e bedol leydi sakitiini kaayeeeri).
2. Leggal wotiriri. Leggal njal e woodi dadol manjol mutunol der leydi (bedol leydi bodeeri) e dadi potordi mutudi der leydi baleeri.
3. Yommal kokkoliiri njal woodaa dadol manjol, amma dadi potordi tiggotoodi dow dow, der leydi baleeri.

Yamde 2 : To non ledde dey tooroto bura to leydi e waata ?

Tontol 2 : To bedol leydi baleeri e waata, nafaali duggeteedi duubol e duubol burata tooraago (nafaali di bikkon, li'anji, ko woodi dunduuje, ...). Leggal wotiriri goodunjal dadol manjol tigotoonol der bedol leydi didabol laatiinol leydi bodeeri buran muyugo tooraaji garandi. Baa to ledde tooroto sedda gam dullere nyamdu, de baatata gam dee goodi dadi juutudi, mutudi faa der, de nandata hande horiide goodude dadi mum dow dow.

Yamde 3 : Daare wooda bedol leydi baleeri gonunol e foto naa do den batee ko ji'oton

Tontol 3 : Öaawo leydi baleeri ni ji'eten, kujje dufde na'on don hande joolooli, gildi, kotorooho, ...

Yamde 4 : Ume woni nafakka gilkon kon e leydi ?

Tontol 4 : Gilkon kon nun nyolinta baafe e ledde nyanude (leydi baleeri ni taaki). Dii basa leydi den to diyam tobi, naata der mayri, leydi ni bo e foowta diga gaykahon basaakon kon.





Foto 4



Yamde 1 : Ume ji'oton der fotooji dii do ?

Tontol 1: Emen ji'a

Foto nanaal : 1 e holla demoowo e misa lekki fudo der deme, den paalon lekki ki e sankiti. Emen ji'a bo lekki ki e wari kotoorooho gokko.

Nyaamoal dowdowre : 2 e holla demoowo e wula buuri dugge.

Foto Nyaamoal leyleyre : 3 e holla demoowo e galmo e masinaari demirdi, den masinaari wonni e doyya leggal.


Yamde 2 : Ume gadu nuwe fu wadanta leydi ?

Tontol 2 : Gollirgo leddeele fudo no haaniraa e wara gilkon dukkon (joolooli, kotoorooho, gildi feere feere, ...) nyolinoohon fudo e ledde baatude, accoohon hennu e naata leydi.

To een bula buuri dugge demeeji men, en kalkan nun fudo, baafe e ledde gam kan nun gilkon waylitinta taaki. Yiite e guldum waran nun gilkon baylitoohon fudo, baafe e ledde leydi baleeri (taaki).

Gollirgo masinaaji demirteedi teddufi, burna mum wakkati dunju, waawan dabo leydi. To masini bunjirteeni resaaki no woodiri, ni biisan nun ko tawaa e leydi den hoyina diyam ilingo leydi nin.

a




b



c



Foto 5



b

*Wallaka waajaago foto 6 :
Demgal baranŋal leydi : leydi baatuni,
ni wala taaki nafanki ledde e demeeji,
ni diyam ilinta den hennu e yawtina ni*

Yamde 1 :Ume ji'oton der fotooji didi dii do ?

Tontol 1 : Emen ji'a


Der foto nanoal, leydi baatuni, gooduni laabi diyam, ni wala goddum.

Der foto nyaamoal, leydi basaani sanne, gooduni laabi diyam.

Yamde2 : Gaduuji diye nun waddi dum do fu ?

Tontol 2 : Bulu jayri demeteeni, taccol ledde, barol leydi diga e duranne, gollirgo lekki fudo no haaniraa, gollirgo lekki gildi e taaki tuubaaku, bunŋaaki tokkitiiki laabi diyam, aawugo nafa goota der deme, gollirgo masinaaji teddufi, di boodaa ...

a



b




Foto 6

HABARUUJI KAAU'DI JOGEE :

1. Ledde e nafaali di duggeten duubol e duubol e woodi dadi kollooji to ledde de e nafaali di kebata nyamdu mum.
2. Ledde waawan ko hebi nyamdu majje der leydi gonuni faa der luggudum.
3. Nafaali duggeteedi duubol e duubol heban nun ko naforto der bedol leydi balewol. Leydi, e buuri nyoloori, e gilkon nun woni der bedol leydi kol.
4. Nafakka gilkon kon e mawni. Kankon nun nyolinta fudo, ledde baatude e baafe janude e leydi e wadugo leydi baleeri (taaki) laatiini nyamdu nafaali di demeten.
5. Gaduuji hande bulu buuri dugge men e buyta taaki gam gilkon hebata dum kon nyolinta, kon baylita leydi baleeri, bulu nu bo e bara gilkon nyolinoohon leydi.
6. Gollirgo lekki fudo e lekki gildi no haaniraa e wara gildi gadooji taaki.
7. Gollirgo masinaaji demirteedi goodudi jale mutooje faa deri leydi biisan nun no leydi resorii, daboo leydi baleeri laatiini nyamdu ledde, den baran nun gilkon gadoohon taaki.


Yamde gaddooje miilo e meemugo hoore haala 3.

En baawan ko hisini leydi men ? Gaduuji diye wallata en fingingo leydi men e faddaago ni gam to ni waatu ?

HOORE HAALA 3 : NOY GA'DETEN KO PINTINEN LEYDI MEN BAATUNI ?

Gollirgo ledde kaanude, gaddooje taaki

1. Aawugo ledde gaddooje taaki.
2. Kawrol ledde gaddooje taaki e nafaali.
3. Battontinol demol hottollo-nafaali-ledde gadande taaki.
4. Demal e aawugo ledde.



Yamde 1 : Ume ji'oton der fotooji dii do a,b,c, e d ?

Tontol 1 :

1. Der foto a, emen ji'a kokkoliiri et biriji remaa e takkontiri.
2. Duubol garoohol kokkoliiri aawee to biriji aawano, den biriji aawee to kokkoliiri aawano.
3. Der foto b, emen ji'a kokkoliiri e nyebbe remaa dow jayri goori.
4. Der foto c, emen ji'a kokkoliiri e soja e remaa dow jayri goori.
5. Der foto d, emen ji'a laawol feerewol no kokkoliiri e biriji aawiraa dow ja.

Yamde 2 : Ume laatii nafakka kawrol nafaali di bikkon, e hottollo, nun nun bo biriji e nyebbe, naa bo e soja ?

Tontol 1 : Nani ko nyebbe e biriji e soja waddanta leydi :

1. Edum jonna taaki leydi.
2. Edum acca gilkon irbitotookon leydi duukkon wada, kanko nun waylitinta ko tawaa dow leydi, laatina dum taaki.
3. Edum walla tabitingo no leydi resori den walla ni fowtugo.
4. Edum waytingo buuri dugge taaki.
5. Edum walla bittinol taaki leydi baatuni.

Hanne no lekki fudo e golliree der demeeji, edum sadi jillontirgo nafaali di bikkon e hottollo e li'ooji. Demoowo subata hakkune kujje didi: nyamdu makko duuda puy der wakkati sedfa, naa bo o rema no leydi makko booyirta e rima gam heba ko dalanta sukaabe ummoytoobe.



Foto 7



*Wallaka waajaago foto 8 :
Wotiriri waawan ko aawee kan tan
naa bo hawtee e nafaali goddi gam
beydugo taaki leydi.*

Yamde 1: Aa anni awdiyel nel do na ?

Tontol 1: Daaru do nafakka wotiriri :


1. Wotiriri e nyawta nyawnehon sukaabe gokkon.
2. Wotiriri e nyaamee, burna mum wakkati de nyamduuji fuddi jaccugo.
3. Wotiriri e laatii bo nyamdu mareefuuji.
4. Wotiriri e fintina leydi baatuni.

Yamde 2 : Noy wotiriri wittiniroyta taaki leydi baatuni ?

1. Wotiriri e laatii awdiiri tabitinoori taaki leydi, ni tampataa bo ceedu.
2. Wotiriri e sankita haakooji mum puy, den acca gilkon leydi duuda.
3. Wotiriri e jogitoo pewri leydi e walla ni fowtugo.
4. Wotiriri e walla leydi to ni majjin ko wallata ni, e buta ilingo ni to diyam e toba.



Foto 8



b

*Wallaka waajaago foto 9 :
Laabi demol wotiriri : awre e sollooji,
awre hande kara, awre hande
marirde gertoode*

Yamde 1 : ume ji'oton dow foto naa do ?

Tontol 1 : Foto naa do e holla laabi tati no wotiriri aawirte :

Foto arana (a) : e holla wotiriri e aawaa e sollooji.

Foto didaba (b) : e holla wotiriri e aawaa hande kara.

Foto tataba (c) : e holla wotiriri e aawaa hande marirde gertoode.



Foto 9



*Wallaka waajaago foto 10 :
Mukuna e nafakka mum*


Yamde 1: A annitii layol ηol do to foto na? To a annitii ηol, limtu nafakka naayi ka ηol woodi

Toontol1 : Inne layol ηol wi'etee Mukuna. Enjol nafa gam :

1. Jogaago leydi to ni waatu.
2. Hadugo kudooji banjaaji fudugo.
3. Nyamdu mareefuujj.
4. Hadugo diyam to wasu leydi.
5. Jogitaago pewri.



Foto 10



Yamde 1 : Ume nun ji'oton to foto ŋaa do ?

Toontol1 : Fotooji naay ŋin e holla laabi feere feere no Mukuna aawirtee :

1. Foto a e holla no Mukuna aawiraa kan tan.
2. Foto b e holla no Mukuna aawiraa kan tan, amma ŋaa billontirii gam nyamnugo dabbaaji. Fuɗo dabbaaji nun don.
3. Foto c e holla no kokkoliiri aawaa e jillontiri e Mukuna.
4. Foto d e holla Mukuna aawaŋa onde ledde baatude. Aawirgo Mukuna ninni accan nun awdiiri rima, ŋa waɗa bo layi di dabbaaji durata.




Foto 11



*Wallaka waajaago foto 12 :
Nafakka haako bi'eteeko tokkita-naaŋeeya*

Yamde 1 : Ume nun ji'oton to foto ŋaa do ?

Toontol 1 : Haako koo do nun wi'ete tokkita-naaŋeeya. Haako kon waawan ko tawee der gure mon e koydum. Eko walla jogitaago ko nafata leydi, eko fintina bo leydi.


Yamde 2 : Ume woni nafakka aawugo tokkita-naaŋeeya?

Tontol 2 :

1. Tokkita-naaŋeeya laati nun haako aaweteeko gam nafugo leydi.
2. Tokkita-naaŋeeya e wadda taaki duukki ki gite yi'ataa, den sankita ki der leydi.
3. Tokkita-naaŋeeya wallan nun jogitaago peewol leydi den walla ni fowtugo.
4. Tokkita-naaŋeeya e buyta halkugo huune ko fintinta leydi.



Foto 12



Yamde 1 : Ume nun ji'oton to foto naa do ?

Toontol1 : Emen ji'a dow fotooji din awdiji feere feere : hottollo e kokkoliiri e wotiriri, e gawri.

Yamde 2 : Ume woni nafakka wattontirgo awdi dow jayri goori ?

Tontol 2 : Ko wattontirgo aaweteedum (hande jon hottollo-kokkoliiri-wotiriri-e gawri) nafata nani :

1. Dum waddanan leydi taaki.
2. Diyam toboojam mutan e leydi no haaniri.
3. Leydi heban no fowtirta.
4. Ko leydi woodi e nafa dum, halkataa.




Foto 13

**HOORE HAALA 4 : UME BAAWETEN KO WA'DI PADDORO'DEN LEYDI MEN GAM TO DIYAM ILIN NI,
DEN TAWEE DIYAM E PEWRI 'BOOYA E TAWAA 'DON?**

Foto 14 – 16 Laabi :

*no calortoden diyam wasa leydi men,
e no gadeten ko peewri booya e tawaa der mayri.*

Foto 17 :

*Dabareeji di gadeten gam demeeji men jogoo
pewri gam to bayle nokkuuje toora di.*

Foto 18 :

*Kawrol dengal e awre ledde laati nun laabi
ballooji faddaago leydi men e jogaago pewri der leydi nin.*



*Wallaka waajaago foto 14 :
non haani sollooji wadiree
to jayri e simmitii*

Yamde 1 : Ume nun ji'oton to foto naa do ?

Toontol1 : Ko men ji'ata :

1. Goddo e rema deme mum.
2. Deme den e tawaa takkol waanne.
3. Demoowo on e galmoo no sollooji haggirta diyam.
O fala sollooji far to deme simmitorii.


Yamde 2 : Gam ume demoowo galmotoo tokkitinay sollooji far to diyam ilirta ?

Tontol 2 : Ko golloraago deme nun nun nafata :

1. Dum buytan semme ilugo diyam dow jayri demeteeni.
2. To semme ilugo diyam buytaama edum haggaa sikan leydi iloori e yawtina taaki diga deme.
3. Laawol demuri nol don e walla diyam mutugo der leydi den dam booya, dam walla aawaadum mawnugo.



Foto 14



*Wallaka waajaago foto 15 :
Sollowol kaaye kawritaade*

Yamde 1 : Ume nun ji'oton to foto naa do ?

Toontol1 : Ko men ji'ata :

1. Goddo e hawrita kaaye oo wada sollowol majje turiinjol.
2. Joowere kaaye.
3. Buuri ko aawaa e wattaa der sollowol kaaye turiinjol.
4. Golle den e wadiree far to leydi demeteeni simmitori ley baalle, far ton nun woni woodaa ledde e fudfo.

Sollowol kaaye e wadee dow jayriije cimmitiide. To simmitaade e mawni, sey sollooji kaaye battontiroo gam buytugo semme diyam iloojam.

Yamde 2 : Gam ume demoowo wadata sollowol kaaye der deme makko ?

Tontol 2 : Ko sollowol kaaye wadata nani:

1. Njol laato kaggirdum semme ilugo diyam.
2. Njol haggaa buuri iloyni fu dow deme gam leydi finta.
3. Hoyingo mutugo diyam der leydi.





Foto 15



Wallaka waajaago foto 16 :
Ledde kaggirde diyam

Yamde 1: Ume nun ji'oton to foto naa do?

Toontol 1: Ko men ji'ata:

1. Deme kokkoliiri takkol waanne.
2. Laawol diyam manjol e woni caka caka deme den.
3. Ledde canyontiraade e waafaa to diyam ilirta.
Ledde canyontiraade den noddete kaggirdum.

Yamde 2: Gam ume jom deme waafoy kaggirdum der deme mum?

Toontol 2 : Kaggirdum waafete nun der deme simmitiide gam daliila kaa do :

1. Buytugo semme ilugo diyam dow to remete to dam tobii.
2. Buytugo leydi baleeri diyam totobam yawtinta ila deme.
3. Gabaago jaaneeri heba diyam totobam no nyaamu leydi puy.




Foto 16



Wallaka waajaago foto 17 :
Awre der gaykahon

Yamde 1 : Ume nun ji'oton to foto naa do ?

Toontol 1 : Ko men ji'ata :

1. Gaykahon, ko diyam e tawaa der don.
2. Yomme e haakulooji gawri.
3. gaykahon to lekkol pettol woni e fuda.

Wasugo gayde, den belaafe jorfe watee, hakko diyam arandeam tobata wi'etee awre der gaykahon.

Yamde 2 : Dee nun awre der gaykahon wadete, gam ume bo dum wadete ?

Tontol 2 :

1. gaykahon wasete nun der jayri weyyitiini, to diyam tobataa puy.
2. Dum fuddete wa diga ceedu.
3. gaykahon accata leydi baatuni fintinee, den gese wadee don.
4. Ko dum dartata woni haggugo diyam e buuri nyoloori gam heba diyam naata faa der leydi.
5. gaykahon on laati nun nokkuure to awdi hebata nyamdu mum.



Foto 17



*Wallaka waajaago foto 18 :
Kawrol Demgal e mardi ledde*

Yamde 1: Ume nun ji'oton to foto naa do?

Toontol 1: Ko men ji'ata:

1. Deme nandude e deme kokkoliiri.
2. Ledde didi accaamaa caka deme.
3. Ledde aawaamaa (moringa) wadiraara kara.
4. Wecco deme wonjo bo een ji'a jidderel.

Wadugo kara e ledde mawde hawtaade e lekkon petton no hamdi, wi'etee kawrol demgal e mardi ledde.

Yamde 2: Ume laatii nafakka hawtugo demgal e aawugo ledde?

Tontol 2: Hawtugo demgal e awre ledde, accan neddo heba barke ledde mawde e fotorde aawaade, den tawaa deme maada e woodi. Barke den woni:

1. Leydi daboto, ni wasataako to diyam e toba.
2. Baafe ledde janooji nyolan waddane taaki geyri.
3. Diyam naatan der leydi sabbu barke dadi ledde.
4. ledde haggan semme hennu mawnu maa bo duluru den faddo hasaroo der deeme e wuroo.
5. Ledde den laatanto deme, kara, hada dabbaaji naatugo (a waawan ko aawi ledde gi'eeji filtitinaa deme ...).
6. Dum wallan hawjaago nokkuure to tawaden.

Deme kawraade e mardi ledde waawan yaamni wuro joomiraawo, den acca leydi nin booya waatay.

Wuro nyaaman hanne faa haara den sukaabe waroobe baawo heba kanumbo to remata e to durata.



Foto 18

**HOORE HAALA 5: MIN, MI SUBII MI GOLLIRA DER DEME AM, LAABI 'DII 'DO FADDOTO
NOKKUURE TO TAWAAMI, E LEYDI TO GOLLANMI. MI HABITINTO E SEMME GAM
FINTINGO LEYDIIJE BAATU'DE, MI HAKKILANA BO 'DEE 'DO WAATAY TAW.**

*Yamde 1 : An bo na, ume miiludaa gadaa kawjorodaa leydi gam ni booya,
heba sukaabe waroobe rona ko woodi ?*

Yamde 2 : Laabi diye mum an cubudaa golliraa der deme ma ?

Ekkitingo demoobe laabi hawjaago leydi no ni booyirta e jabugo bayle wakkatiiji. Fotooji e dewtere ardiido golleeji.

Winnuɗo dewtere :

TMG Research gGmbH

No gollirde nen yiitirte :

(TMG) ThinkTank for Sustainability GmbH

EUREF-Campus 6 – 9, 10829 Berlin

Kankarasu : T : +49 30 92 10 74 07_00

Page web : www.tmg-thinktank.com info@tmg-thinktank.com

Mawɗo gollirde : Alexander Müller

Mawɗo dartiiru dow laawol baddal der golleeji GDT/ACC der leydi Bene (ReCA) :

Check Abdel Kader Baba

Gaɗuɗo dewtere nen : TMG Research e ballaka ProSOL-GIZ

Kokkuɗo ceede fotooji : © 2018/GIZ/ProSOL-Bene e TMG Research gGmbH

Baylitindo e fulfulde : Isaac Kina Matchoudo

Men jetti sanne mawɗo porose ProSOL-GIZ Bene gam ballaka ka o wadi der gaɗol fotooji ɗin, gam o nooti men tasoo e fotooji di ProSOL-GIZ Bene wadi. Men jetti bo wallube der dartiiru e remoobe ballube men der waɗugo, der daaritaago, der moɗɗingo, e wurtingo dewtere nen. Men jeggitinta sannugo baylitinbe dewtere fotooji nen e fulfulde den e haabeere bo.



hokki ceede ko dewtere nee waɗaa Minisittee leydi Alemaanyi kakkilaniiya badal dow e yaadu yeeso (BMZ e batu alemaanyi)

www.soilmates.org